

E. COMUNICAZIUN E COOPERAZIUN EN IL COLLEGI CONCRET

MANADRAS E MANADERS DAL CURS

Arno Ulber, pedagog curativ e docent da pedagogia SAPGR (accents A e C)

Reto Cadosch, magister primar e furmatur da personas creschidas CP, docent SAPGR (accent B)

En cas da basegn vegnan consultads ulteriuras collavuraturas ed ulteriurs collavuratur da la SAPGR.

TEMA DAL CURS

La collavuraziun da las personas d'instrucziun è actualmain pli ferm che mai ina caratteristica da qualitat centrala da scolas che han success. Ina ferma lavur da team è ina nova sfida per las scolas e per las singulas personas d'instrucziun e pretenda ina midada dal maletg ch'ins ha da la professiun da la magistra u dal magister. Tar las suandantas puschidas sa tracta da render conscient il potenzial da la lavur da team e d'al trair a niz per l'ulteriur svilup da l'atgna persona e da tut la scola.

Il curs cumpiglia ina part da basa davart il tema "Comunicaziun e cooperaziun en il collegi" sco er ina part d'accent che po vegnir tschernida libramain. Sch'il curs cun differentas parts d'accent vegn prendi pliras giadas, vegn – a partir dal segund curs – elavurada mintgamai ina survista dal tema "Comunicaziun e cooperaziun en il collegi" en la part da basa.

Il suandants **accents** pon vegnir tschernids:

A Teamteaching – collavuraziun en il team d'instrucziun

En las scolas vegni a vegnir instruì oz ed en futur pli savens en in team per pudair dumagnar la gronda complexitad en l'instrucziun. Teamteaching sco metoda d'instruir cooperativa duai contribuir a l'enritgiment da l'atgna activitad professiunala. Al di da furmaziun cuntinuada vegn er tractada la collavuraziun en teams d'instrucziun, dals quals fan part las personas d'instrucziun da classa, las pedagogas ed ils pedagogs curativs da scola e las personas d'instrucziun spezialisadas.

Il suandants aspects pon vegnir focussads:

- > analisa da la lavur da team / dal teamteaching en l'atgna scola
- > fasas, furmas d'instrucziun e l'enclegientscha da la rolla en la lavur da team ed en il teamteaching
- > experientschas e resultats da la perscrutaziun davart il teamteaching
- > collavuraziun en teams d'instrucziun; dumagnar conflicts e resistenzas en la lavur da team
- > finamiras e planisaziun da l'atgna lavur da team

B Ospitaziun collegiala

L'ospitaziun collegiala è in med da resun impurtant per mantegnair e per sviluppar la qualitat da la scola e serva ad amplifitgar la cumpetenzza persunala. En quest connex ston vegnir stabilidas caracteristicas qualitativas d'ina cultura da resun che promova l'emprender. En detagl sa fatschentan las participantas ed ils participants cun ils suandants temas:

- > Pertge in resun, in feedback – tge porta quai?
- > andament d'ina ospitaziun collegiala (6 pass) e renviaments a craps da stgarpitsch
- > instrumentari: emprender ad enconuscher las chartas da valor
- > aspects d'observaziun en l'instrucziun
- > facturs che influenzeschan nossa percepziun
- > Da tge fatsch jau stim tar l'observaziun da l'instrucziun e tar il resun?

C Diagnostica e planisaziun cooperativa da la promoziun

Senza ina promoziun individualisanta e differenzianta n'èn las scolas actualas strusch pli imaginablas ozendi. Perquai che uschè bleras personas èn participadas vi da la promoziun da las scolaras e dals scolars, èsi indispensabel da far ina diagnostica ed ina planisaziun cuminaivla e cooperativa da la promoziun. La chapientscha d'ina lingua cuminaivla ed il svilup d'ina basa gida fitg a tut las parts pertutgadas.

Ils suandants aspects pon vegnir focussads en la furmaziun cuntinuada interna:

- > model pratic circular per la promoziun individualisanta
- > chapientscha generala da la ICF (classificaziun internaziunala da la funcziunalitad, da l'impediment e da la sanadad)
- > sviluppar in vocabulari, ina lingua cuminaivla ed in'enclegientscha comunabla
- > emprender ad enconuscher pussaivladads ed instruments per la realisaziun concreta
- > rolla e cumpetenza da las differentas parts participadas
- > integraziun dals geniturs sco er da las scolaras e dals scolars

FINAMIRAS DA L'ISTRUCZIUN

Finamiras fundamentalas:

- > Las participantas ed ils participants enconuschan ils aspects fundamentals e las cundiziuns generalas per che la lavur da team reusseschia.
- > Ellas ed els enconuschan las furmas e las pussaivladads da la lavur da team e pon duvrar quella cun cleras finamiras.

Finamiras specificas da l'accent tscherni:

- A: giuditgar l'atgna lavur e la lavur da team en la scola
savair concepir conscientamain differentas fasas da la lavur da team
trair a niz il potenzial da la cooperaziun e savair ir enturn cun difficultads
- B: enconuscher l'andament d'ina ospitaziun collegiala
dar in resun positiv ed acceptar in tal
esser conscianta u conscient da differentes fenomens da percepciun
sa fatschentiar cun valurs e cun tenutas da scola persunalas
- C: percorscher l'impurtanza da la diagnostica e da la planisaziun da la promoziun
esser conscianta u conscient da las differentas rollas e da las diversas incumbensas da la diagnostica e da la planisaziun da la promoziun
enconuscher pussaivladads per sia realisaziun

DURADA DAL CURS: MINTGAMAI 1 DI

CUSTS

Curs per 12 fin 25 participantas e participants; 1 manadra u manader dal curs fr. 2'240.00
Curs per 26 fin 50 participantas e participants; 2 manadras u manaders dal curs en co-teaching fr. 4'200.00

Ils custs per la furmaziun cuntinuada interna vegnan surpigliads dal chantun. La permissiun da l'inspecturat è a medem temp la garanzia ch'ils custs vegnan surpigliads cumplainamain. Il quint vegn scuntrà directamain tranter la SAPGR ed il USS.

CONTACT

Scola auta da pedagogia dal Grischun

Tanja Jud, collavuratura scientifica per la furmaziun cuntinuada, tel. 081 354 03 44 (gli – me);

tanja.jud@phgr.ch

As annunzia per plaschair uschè baud sco pussaivel, il pli tard 3 mais avant il termin da realisaziun giavischà.